



INATSISARTUT

Aningaasaqarnermut Naalackersuisoq

Ulloq : 02. okt 2012

J.nr.: 01.31.06/12-00595

Ataasinngornermi ulloq 1. oktober 2012 Aningaasaqarnermut Akileraartarnermullu Ataatsimiititaliap aalajangernera pillugu Naalackersuisunut ilisimatitsissut

Kontomi pingaarnermi 84.40.15 Ilinniartut inaannik sanaartorneq suliassamut nr. 150.52.071 Uummannami atuartut 50-it inissaat, suliassamut nassuiaatip aamma suliassamut nr. 080.52.064 Sisimiuni GU kollegium 1+2 2x50-inik initalik, suliassanut nassuiaatit allanngortinneqarnissaat. (Suliaq nr. 01.31.06/12-00595)

Naalackersuisut inassutigaa,

- missingersuutit ilanngunneqartut, kontomi pingaarnermi 84.40.15 Ilinniartut inaannik sanaartorneq suliassamut nr. 150.52.071 Uummannami atuartut 50-it inissaat, suliassamut nassuiaatinik aamma suliassamut nr. 080.52.064 Sisimiuni GU kollegium 1+2 2x50-inik initalik, suliassanut nassuiaatinik allanngortitsiviusut Aningaasaqarnermut Akileraartarnermullu Ataatsimiititaliap akuerissagaat.

Aningaasaqarnermut Ataatsimiititaliap oqaaseqaatai

Suliassami matumani naalackersuisut qinnuteqarput suliassap nr. 150.52.071 Uummannami atuartut 50-it inissaat allaaserinerata allanngortinneqarnissaanik, ersersinneqartussanngorlugu Naalackersuisut Uummannami akunnittarfik piusoq pisiarissagaat taanna allanngortiterlugu atuartut angerlarsimaffissaannik nutaamik sanangikkaluarluni. Taamatuttaaq suliassap nr. 080.52.064 Sisimiuni GU kollegium 1+2 2x50-inik initalik taaguutaata allaaserineqarneratalu allanngortinneqarnissaa qinnutigineqarpoq suliassap taaguutaani ilinniartut ineqarfiat ataasiinnaq 50-inik inissalik kisiat pineqartussanngorlugu. Tamatumunnga tungaviusoq suliariumannittussarsiuussinermi ingerlanneqarsimasumi naatsorsuutigineqartut neqerooruteqartoqarsimagunanginnera.

Missingersuutininut ilanngussaqaq immiini oqaaseqaateqarnissamut pissutissaqalersitsinngilaq.

Qinnuteqaammili pissutsit assigiinngitsut paasiuminaapput, taamaattumillu ataatsimiititaliap kissaatigaa makku sukumiinerusumik nassuiaateqarfigineqassasut:

1. Aasianni GU-p allilerneqarneranut atatillugu "aningaasat atorineqanngitsut" 5 mio. kr.-it taaneqartut qinnuteqaammut matumunnga sutigut attuumassuteqarpat?
2. Matumani qinnuteqaat eqqarsaatigalugu Aasianni GU eqqarsaatigalugu aningaasaliissutigut nikisiterinerit suut ingerlanneqarnissaat kissaatigineqarnerisooq itisileqquneqarpoq.

3. Ilinniartut ineqarfiliortiternernut 94 mio. kr.-it ator neqarnissaat eqqartorneqarpoq oqaatigineqarlunilu matumani nikisitsisoqareerneratigut taamaattoq 74,15 mio. kr.-iinnaat ilinniartut ineqarfiliortiternernut ator neqassasut. Tamatuma itisilerneqarnissaa kissaatigineqarpoq matumani aningaasaliissutinik nikisitsinerit pineqaratik, suli-assat allaaserinerinik allanngortitsineq kisimi pineqarmat.
4. Sisimiuni ilinniartut ineqarfiliornissaannik qinnuteqaataaqqartumi oqaatigineqarpoq illoqarfimmi ilinniartunut inissianik ikinnerpaamik 160-inik amigaateqartoqartoq mis-singerneqartoq. Tamannalu tassa ikiorserniarneqarsimavoq ilinniartut ineqarfissaan-nik 2x50-inik sananikkut. Matumani allanngortitsinikkut taava naatsorsuutigineqarta-riaqarpoq Sisimiuni ilinniartut inissaat 110 amigaataassasut. Ajornartorsiutip taassu-ma tamakkiisumik ilaannakortumilluunniit aaqqinneqarsinnaanissaanut sunik naat-sorsuuteqartoqarpa?
5. Uummannami atuartut ineqarfissaannut nutaamut pisineq, allanngortiterineq atortul-lu ilanngullugit kvadratmeterimut akip qanoq annertutiginissaa naatsorsuutigineqar-pa, taamaaqataanillu kvadratmeterimut aki qassiusimassagaluarpa nutaamik sa-naartornissaq toqqarneqarsimagaluarpat?
6. Sisimiuni ilinniartunut ineqarfiliornissat eqqarsaatigalugit suliariumannittussarsiorne-rit pillugit paasissutissiisoqarnissaa kissaatigineqarpoq, tamatumunnga atatillugu er-seqqinnerusumik ilisimatitsissutigineqaqqulluni sooq sanaartorneq naatsorsuutigisa-mit akisunerulersimanersoq, taamatullu aamma neqerooruteqartunik isumaqatigiin-niarnerni sanaartorneq akikillisarneqarniarsimanersoq ilinniartut ineqarfissaat sa-naartorneqartussatut kissaatigineqartut sapinngisamik amerlanerpaat naammassini-arlugit.
7. Qinnuteqaammi ilisimatitsissutigineqarpoq qinnuteqaatikkut matumuuna ilinniartut ineqarfiinik sanaartornermiit kontumi 84.40.15-imi Ilinniartut inaannik sanaartorneq sanaartugassanut allanut 24,85 mio. kr.-inik nuussisoqartoq. Tamatuma itisilerne-qarnissaa kissaatigineqarpoq.

Ataatsimiititaliap maluginiarpaa qinnuteqaat tuaviortutut nalunaarneqarsimasoq. Tamanna tunngavigalugu atatsimiititaliap soorunami eqqumiigaa suliassaq tuaviorsimappat Naalak-kersuisut suliassamik akuersissuteqarnerannit Aningaasaqarnermut Ataatsimiititaliamut nassiunneqarneranut ullut tallimat ingerlareersimmata.

Naggasiullugu oqaatigineqassaaq qulaani apeqqudit pissuteqarmata qinnuteqaammi nassi-unneqartumi oqaatigineqartut arlalitsigut imminnut naapertuutinngimmata. Aningaasaqar-nermut Ataatsimiititaliap taamaattumik **kaammattuutigeqqissavaa**, Naalakkersuisut ator-tussat Aningaasaqarnermut Ataatsimiititaliamut nassiunneqannginnerini taakku pitsaassusii qularnaaqaartassagaat!

Aningaasaqarnermut Ataatsimiititaliap aalajangerera

Qulaani allassimasutut paasinnilluni Aningaasaqarnermut Ataatsimiititaliap naalakkersuisut inassuteqaataat **akueraa**.

Qulaani apequtitut naalakkersuisut akissutaat ullumimiit ullut 21-it qaangiutsinnagit kalaallisut qallunaatullu qarasaasiakkut assilineri ilanngullugit julie@inatsisartut.gl-imut nassiu-teqquneqarput.

Aningaasaqarnermut Ataatsimiititaliaq sinnerlugu

Andreas Uldum
Ataatsimiititaliap siulittaasua